

APPROBATIONES

secundæ editioni redditæ.

Postquam de personis egit, ac de rebus ecclesiasticis Cl. Ananensis Antistes, ad judicia se convertit in tertio hoc *Institutionum Canonicarum* volumine; & rem universam ita tractat, ut nec elegantiam, & ordinem copia, nec brevitas perspicuitatem desiderare faciat. Quæ autem accesserunt in altera hujus Operis editione novis Cl. Auctoris curis, vehementer probo. Dabam ex Magna Curia Innocentiana IX. Kal. Majas Anni MDCCXCIII.

N. Riganti Majoris Præsidentie Abbr.
& Acc. in Civilibus Locumtenens.

Tertium Canonicarum *Institutionum* volumen clarissimi Scriptoris sapienti manu expolitum novis divulgari typis non utile modo, sed ob aliorum exemplarium defectum cum primis arbitror necessarium. Dabam Romæ ex Collegio Germanico IV. Nonas Aprilis MDCCXCIII.

J. Castillioneus Proton. Apost. Apostolicæ Pénit.
Litterarum Corrector, & S. Congr. Boni Regi-
minis à Secretis.

Novæ adjectiones, quibus tertium hoc volumen *Institutionum Canonicarum* V. Cl. Joannis Devoti, Episcopi Ananiensis auctum est, non ita copiose, attamen utilissimæ mihi attente legenti visæ sunt: quare eas probatissimo jam operi insertas, ut ab iis, quorum hujusmodi curatio est, Romanis formis evulgandi potestas fiat, e ratio esse censeo. Dabam Romæ XII. Kal. Majas anni MDCCXCIII.

D. Coppola Proton. Apostolicus, & S. Rit. C.
Secretarius.

LIBER III.

TITULUS I.

De Judiciaria Ecclesiæ Potestate.

- I. Omnis bene constituta res publica suos habet magistratus cum imperio, & jurisdictione.
- II. Ecclesia distincta est à civili republica, quæ suos habet cum imperio, & jurisdictione magistratus.
- III. Potestas judiciaria pars est hujus imperii, & jurisdictionis.
- IV. Eam habet Ecclesia non hominum beneficio, sed suo imperio, & jurisdictioni coherentem.
- V. Judiciaria potestas vel in personas, vel in res, quæ ad rem publicam pertinent.
- VI. In quibus æqua sit ecclesiastica, civilisque reipublicæ conditio; in quibus hac ab illa differat?
- VII. & VIII. Potestas à Christo Ecclesiæ data tum in interiori, tum in exteriori foro.
- IX. Locus Joannis, & Lucæ expenditur.
- X. & XI. Potestas, quam Apostoli exercuerunt.
- XII. Paulus ecclesiasticum iudicium expresse memorat.
- XIII. & XIV. Apostolorum Successores, Ethnicis domi-

nantibus, non solum in interiori, sed etiam in exteriori foro judicia exercuerunt.

XV. & XVI. Atque hi quidem veri judices erant, non arbitri litigantium voluntate electi.

XVII. & XVIII. Eorum iudicis nihil deerat, quod verum, perfectumque iudicium requirit.

XIX. Concordia Sacerdotii, & Imperii sub Christianis Imperatoribus.

XX. Utriusque Potestatis regimen, & administratio.

XXI. Ecclesiæ coercitio.

XXII. Judicia Ecclesiæ sub Christianis Imperatoribus.

XXIII. Leges Principum Christianorum de clericorum causis tantum ab ecclesiasticis judicandis.

XXIV. Civiles quoque laicorum controversias Episcopi judicarunt; verum ex voluntate litigantium.

XXV. Cur ecclesiasticum iudicium sæpe à forensi distinguatur?

XXVI. Ordo judiciorum à Jure Canonico constitutus etiam in foro civili receptus.

APPROBATIONES

secundæ editioni redditæ.

Postquam de personis egit, ac de rebus ecclesiasticis Cl. Ananensis Antistes, ad judicia se convertit in tertio hoc *Institutionum Canonicarum* volumine; & rem universam ita tractat, ut nec elegantiam, & ordinem copia, nec brevitas perspicuitatem desiderare faciat. Quæ autem accesserunt in altera hujus Operis editione novis Cl. Auctoris curis, vehementer probo. Dabam ex Magna Curia Innocentiana IX. Kal. Majas Anni MDCCXCIII.

N. Riganti Majoris Præsidentie Abbr.
& Acc. in Civilibus Locumtenens.

Tertium Canonicarum *Institutionum* volumen clarissimi Scriptoris sapienti manu expolitum novis divulgari typis non utile modo, sed ob aliorum exemplarium defectum cum primis arbitror necessarium. Dabam Romæ ex Collegio Germanico IV. Nonas Aprilis MDCCXCIII.

J. Castillioneus Proton. Apost. Apostolicæ Pénit.
Litterarum Corrector, & S. Congr. Boni Regi-
minis à Secretis.

Novæ adjectiones, quibus tertium hoc volumen *Institutionum Canonicarum* V. Cl. Joannis Devoti, Episcopi Ananiensis auctum est, non ita copiose, attamen utilissimæ mihi attente legenti visæ sunt: quare eas probatissimo jam operi insertas, ut ab iis, quorum hujusmodi curatio est, Romanis formis evulgandi potestas fiat, e ratio esse censeo. Dabam Romæ XII. Kal. Majas anni MDCCXCIII.

D. Coppola Proton. Apostolicus, & S. Rit. C.
Secretarius.

LIBER III.

TITULUS I.

De Judiciaria Ecclesiæ Potestate.

- I. Omnis bene constituta res publica suos habet magistratus cum imperio, & jurisdictione.
- II. Ecclesia distincta est à civili republica, quæ suos habet cum imperio, & jurisdictione magistratus.
- III. Potestas judiciaria pars est hujus imperii, & jurisdictionis.
- IV. Eam habet Ecclesia non hominum beneficio, sed suo imperio, & jurisdictioni coherentem.
- V. Judiciaria potestas vel in personas, vel in res, quæ ad rem publicam pertinent.
- VI. In quibus æqua sit ecclesiastica, civilisque reipublicæ conditio; in quibus hac ab illa differat?
- VII. & VIII. Potestas à Christo Ecclesiæ data tum in interiori, tum in exteriori foro.
- IX. Locus Joannis, & Lucæ expenditur.
- X. & XI. Potestas, quam Apostoli exercuerunt.
- XII. Paulus ecclesiasticum iudicium expresse memorat.
- XIII. & XIV. Apostolorum Successores, Ethnicis domi-

nantibus, non solum in interiori, sed etiam in exteriori foro judicia exercuerunt.

XV. & XVI. Atque hi quidem veri judices erant, non arbitri litigantium voluntate electi.

XVII. & XVIII. Eorum iudicis nihil deerat, quod verum, perfectumque iudicium requirit.

XIX. Concordia Sacerdotii, & Imperii sub Christianis Imperatoribus.

XX. Utriusque Potestatis regimen, & administratio.

XXI. Ecclesiæ coercitio.

XXII. Judicia Ecclesiæ sub Christianis Imperatoribus.

XXIII. Leges Principum Christianorum de clericorum causis tantum ab ecclesiasticis judicandis.

XXIV. Civiles quoque laicorum controversias Episcopi judicarunt; verum ex voluntate litigantium.

XXV. Cur ecclesiasticum iudicium sæpe à forensi distinguatur?

XXVI. Ordo judiciorum à Jure Canonico constitutus etiam in foro civili receptus.

§. I.

Ecclesiam visibilem esse societatem, & ideo visibili regendam esse gubernatione, sine qua nulla hominum societas diu stare, & conservari potest, superiore loco demonstratum est (1). Hæc autem gubernatio non tantum pertinet ad ferendas leges, quibus jubeantur, quæ facienda sunt, prohibeanturque contraria, sed etiam comprehendit jus curandi, & providendi, ut hæ leges vim, atque exitum obtineant. Frustra enim leges feras, nisi etiam cures, ut his obtemperent, & obedient, qui societate continentur; & frustra cures, nisi imperium, & potestatem habeas, per quam repugnantes ad parentum cogas. Quare in omni bene constituta republica magistratus esse oportet, qui non tantum cura, & providentia, sed etiam imperio, & jurisdictione faciant, ut ab omnibus observentur leges, quæ sunt ad societatis commodum, utilitatemve comparatae.

(1) Confer ea, quæ diximus in Prolegomenis cap. 1. §. 4. & seq. & cap. 2. t. 1. p. 3. seq.

§. II. Christus Ecclesiam constituit ad instar reipublicæ à civili distinctæ (1), eique dedit magistratus, qui huic hominum societati cum imperio præsent (2). Quare in hos magistratus omnem consultit potestatem, qua opus est, ut recte administretur, regaturque respublica, atque ut optimis abundet, legibus, quibus cuncti pareant, & repugnantes etiam in officio pœnis coerceantur. Nam quomodo stabit respublica sine magistratibus, aut cum magistratibus ociosis, & inanibus, qui jurisdictione, imperioque careant?

(1) Consule, quæ dicta sunt in Prolegomenis cap. 1. §. 6. p. 6. & seq. t. 1., & quæ complexus solide, copiose, diligenter

ter est doctissimus Mamachius in Epist. ad Febror. 11. §. XVIII. seq. p. 265. seq. t. 1. ed. Rom. an. 1776. & Antiquitat. christianar. lib. IV. c. III. p. 270. seq. t. IV.

(2) Magistratus à Cujacio ad tit. 2. de Orig. jur. csp. t. 1. col. 629. ed. Ven. 1758. definitur qui juri dicendo, & assidua jurisdictione servando præst. Atqui hanc à Christo Episcopis datum in Ecclesia potestatem constat; & huc etiam spectat Apostolus ad Hebreæ. XIII. 17. obedite Præpositis vestris, & subjacete eis. Ipsi enim pervigilant quasi rationem pro animabus vestris reddituri. Quibus quidem verbis imperii potestas in Ecclesia Præpositis sine dubio continetur. Nam si Christiani obedire, & subjacere jubentur Præpositis suis, in his certe imperandi potestas esse debet. Similium præceptorum plenæ sunt litteræ Ignati Martyris, qui in Joannis Apostoli disciplina fuit: studeamus, inquit ipse in Ep. ad Ephes. n. 5. apud Cotelerium PP. Apostol. t. 2. p. 13. ed. Antuerpie 1698., Episcopo non resistere, ut simus subjecti Dco. Magnesianos similiter n. 13. p. 21. vult subjectos esse Episcopo, ut Christus Patri, & Apostoli Christo. Isdem pene verbis alloquitur Traillianos n. 2. p. 22. Philadelphenos n. 2. 9. p. 31. 33. Smyrnæos n. 9. p. 37. Atque ætate quidem Origenis, quæ pertinet ad exitum saeculi II., aut initium III., ita certum, atque exploratum omnibus erat, Episcopos in Ecclesia gerere magistratum, & habere illam, quæ magistratus est propria, jurisdictionem, & potestatem, ut id tamquam certissimum ipse Origenes adversus Celsum proponat, Ecclesiamque conferat cum republica, & cum civilibus ecclesiasticos magistratus contr. cels. l. 3. p. 466. & 467. tom. 1. ed. Paris. 1733. Memorat etiam Ecclesiae imperium, & Magistratus S. Gregorius Nazianzenus Orat. 17. num. 15. opp. tom. 1. p. 271. ed. Coloniae 1690. Vos quoque, inquit, imperio meo, ac throno lex Christi subjicit, Imperium enim nos quoque gerimus, addo etiam præstantius, ac perfectius; nisi vero æquum est, Spiritum Carni fisees submittere, & cælestia terrenis cedere. Hinc ipse Gregorius Ep. 46. Africano p. 807. Episcopatum τὸν ἀναγνῶντος ἀρχὴν incruentum magistratum, & S. Joannes Chrysostomus Hom. 3. in Ep. ad coloss. to. 11. p. 349. ed. Montfaucon. Paris. 1734. τὸν πατρικὸν ἀρχὴν spiritualem magistratum vocat. Quin omnes universe Græci Patres Episcopatum ἀρχὴν, hoc est Magistratum, aut Principatum appellant. Similiter omnes Græci, & Latini Patres ex divina institutione repetunt hunc ecclesiasticum magistratum, ejusque potestatem, & jurisdictionem. Quare nihil agunt, qui tantum potestatis, & auctorita-

tis, non item jurisdictionis vocabulum ab Ecclesia usurpatum putant ante ætatem S. Gregorii M., qui certe eo vocabulo usus est Ep. 8. l. 14. opp. t. 2. col. 1266. ed. Maurin. Paris. 1705. Nam si ecclesia ipsius Christi voluntate, & instituto semper habuit magistratus cum potestate condendi leges, coercendi, infligendi poenas, habuit certe jurisdictionem; nihil autem refert, num Ecclesia jus suum potestatis, & auctoritatis, an potius jurisdictionis vocabulo explicaverit. Modo Ecclesia detur, quod certe habet à Christo, ociosum est de vocabulis disputare.

§. III. Hæc autem jurisdiction, quam habent in republica magistratus cum imperio præpositi, sine dubio comprehendit judiciariam potestatem. Nam qui leges condit, atque ab omnibus observandas curat, imperioque tuetur, qui in subditos habet jurisdictionem, is etiam suam explicat potestatem in judiciis, in quibus ortæ inter subditos controversiae dirimuntur, legumque observatio præscribitur. Itaque judiciaria potestas non cujusquam hominis beneficio data est Ecclesiæ, sed penitus affixa, atque insita est in potestate condendi leges, in imperio, atque in jurisdictione, quam Christus in eam contulit.

§. IV. Qui hanc potestatem aut Ecclesiam habere negant, aut eam ab hominum beneficio repetendam putant, ii magistratus, & omnem jurisdictionem Ecclesiæ admant necesse est (1). Nam pugnantia hæc sunt, esse in republica magistratus cum imperio, ac jurisdictione, & hos magistratus non habere judicandi potestatem, quæ eorum juri, & officio cohæret, quæque in primis est hujus imperii, & jurisdictionis propria. Atqui Ecclesiam habere magistratus, quorum administratio, cura, potestate, imperio illa Christianorum hominum societas, illaque à civili distincta res publica regenda sit hoc est Episcopos à Christo constitutos, inter catholicos omnes constat.

(1) Primus Actius omnem Ecclesiæ jurisdictionem, & le-

gislativam potestatem eripere conatus est; ejus errorem sequuntur Valdenses, Joannes Hussius, Marsilius Patavinus, Jandunus, Lutherus, Calvinus, Grotius, qui falso putarunt, nullam Ecclesiæ esse jurisdictionem, sed omnem ejus in dirigendo, & suadendo positam esse auctoritatem. Horum exemplo Prosternentes omnes, qui jus Principis in sacra tuentur, Ecclesiæ admant judiciariam potestatem. Qui cum Puffendorfio Ecclesiam non distinctam rem publicam, aut statum, ut inquit, sed tantum collegium esse contendunt, ut Mosheimus, Bohemerus, Budæus, aliique, omnem Ecclesiæ esse negant judiciariam potestatem, sed hanc ad jus majestatis Principis sacerularis, pertinere arbitrantur, atque Ecclesiæ tantum jus collegiale tribuunt. Joannes Bodinus l. 3. de Republic. ecclesiastice jurisdictioni, aë foro vehementer adversatur, atque eum sequutus est Carolus Loysæus in suo Traité de Seigneuries. In eodem luto hæsitat P. la Borde, qui opusculo cui titulus Principes sur l' essence, la distinction, & les limites des deux puissances spirituelle, & temporelle datam à Christo Ecclesiæ potestatem non solum dirigendi per consilia, & suassiones, sed etiam jubendi per leges, cogendique, & poena coercendi eos, qui poena sunt digni, labefactare, ac tollere conatur, atque ecclesiasticum ministerium ita saceruli potestati subjicit, ut ad hanc pertinere contendat de externa omni, ac sensibili gubernatione cognoscere ac judicare. Pravum ac perniciosum opusculum damnavit Benedictus XIV. Const. Ad assiduas 44. t. 4. ejus Bullar. p. 163. ed. Rom. seu Ven. 1758., & similis Marsilii Patavini, & Janduni error multo ante damnatus est à Joanne XXII. Const. Licet juxta doctrinam apud Raynaldum t. 5. p. 347. ed. Luca. Morinus in opere de Penitent. administr. l. 1. c. 10. forum contentiosum Ecclesiæ non distinguit à foro penitentiali, atque illum tantum post XI. aut XII. sæcum Ecclesiam habuisse putat. Cum Morino sentit Van-Espenius Jur. eccles. univers. l. 3. tit. 1. Fevretii celebre est opus de Abusu, quo ipse ecclesiasticam jurisdictionem, & judiciariam potestatem acriter insectatur. Inde du-Pinius de Antiqua Eccles. discipl. Diss. VII. §. ult. judicium ecclesiasticum in civilibus, & criminalibus clericorum causis, & potestatem ex Principis permisso repetit. Petrus Giannonius in Histor. civil. Regn. Neapolit. l. 2. c. ult. t. 1. hostis infensissimus contentioso Ecclesie foro omnem ejus potestatem in docendo, orando, suadendo, & per censuras corrigendo ponit, & Morino etiam assentiuntur. Jacobus quoque Gothofredus ad L. 47. Cod. Theodos. de Episc. & Cler. t. 6. p. 105. & seq. ed. Lipsie 1743., & Jacobus Cujacius in Paratit. Cod. de Episcopal. audien. opp. t. 2.

col. 30. ed. Ven. 1758. judicariam Ecclesiæ potestatem negant. Novissime Canonicus Litta in opere iterum edito Ticini an. 1783. *del Diritto di disporre gl' impedimenti dirimenti nel matrimonio, & di dispensarne To. II. p. 125.* Morini sententiam ad VIII. sæculum contraxit, atque ante hoc tempus Ecclesiæ veram judicandi potestatem solum in rebus Religionis adscribit. Plures viri docti hanc Ecclesiæ potestatem vindicarunt, quos inter præstant Ven. Moneta *Adv. Cathar. & Valden.* l. 5. c. 13. §. 5. & seq. p. 532. ed. Rom. 1743., Dadinus Altaserra in opere *de Jurisdict. eccles. adversus Fevrelium & in libro peculiari aduersus Gotofredum*, Jo. Antonius Bianchi *Della potesta e della polizia della Chiesa* l. 1. c. 5., Joannes le Gendre *Judicium Episcopale Adversus calumnias J. Gotofredi acerrime vindicatum*, Doctissimus Mamachius *Epist. II. ad Febronium* §. XIX. seq. p. 285. Tom. I. & p. 300. seq., & Auctor operis *Le stortes idée raddrizzate c. 5.* Videndum est etiam Fleuryus *disc. 7. sur l' Histoir. Eccles. de la Jurisd. essent. a l' Egliso.*

§. V. Jamvero pars hæc jurisdictionis, quam judicariam potestatem vocamus, in omni republica vel in res, vel in personas à magistratibus explicatur. Nam qui reipublicæ cum imperio præpositi sunt, in omnia, quæ ad rempublicam pertinent, habent potestatem; hoc est in personas, ex quibus ea constat, atque in res quibus utuntur, fruuntur personæ ad vitam traducendam. Quare etiam Ecclesiæ magistratus in res, & personas suæ reipublicæ habere debent judicariam potestatem, quam in res, & personas suarum rerum publicarum habent ceteri magistratus.

§. VI. His in rebus æqua est conditio civilis, & ecclesiasticae reipublicæ, quæ utraqüe imperium habet in res, & personas suas; verum ecclesiastica respublica habet etiam præcipuam spiritualem potestatem, qua civilis respublica prorsus caret. Scilicet Christus non tantum Ecclesiam instituit, quæ esset perfecta respublica, & ideo juribus frueretur ceterarum rerum publicarum, sed etiam ejus unius esse voluit præesse rebus sacris, atque divinis, &

curam gerere eorum, quæ ad æternam hominum felicitatem pertinent. Itaque Ecclesiæ potestas non tantum est potestas propria cuiusvis reipublicæ; sed etiam sese exerit in stabiliendis fidei, morumque regulis, in sacramentis administrandis in cultu Religionis, in sacris ritibus, in ceteris generis ejusdem.

§. VII. In hæc quidem omnia Christus expressæ dedit uni Ecclesiæ potestatem; & vero ita dedit, ut in ipsum Christum contumax haberetur quisquis Ecclesiæ præceptis non obediret (1). Hæc autem potestas à Christo data duplex est; altera, quæ in interiori, altera, quæ in exteriori foro exercetur. Primam expressit Christus his verbis: *quorum remiseritis peccata, remittuntur eis, & quorum retinueritis, retenta sunt* (2); alteram his: *Si peccaverit in te frater tuus vade, & corripe eum inter te, & ipsum solum; si autem te non audierit, adhibe tecum adhuc unum, vel duos testes; si non audierit eos dic Ecclesiæ* (hoc est Conciliis, aut Episcopis, accepta eo loco Ecclesia ex sententia Judæorum, quales erant Apostoli, quos Christus compellat; Judæi vero Ecclesiam appellarunt aut conventum in Synagoga habitum, aut Principes Synagogæ). *Si Ecclesiam non audierit, sit tibi sicut ethnicus, & publicanus* (3), quos Judæi synagoga excludebant. Habes hic omnia, quæ sunt exterioris judicii propria, accusatorem, reum, judicem, causæ cognitionem, sententiam, coercionem.

(1) *Qui vos audit, inquit Christus, apud Lucam X. 16., me audit; qui vos spernit me spernit.* Latinis autem, vii & Hebræis, & Græcis, audire idem est, ac obedire. Porro ei parandum, cui jubendi jus est.

(2) Joannes XX. 23.

(3) Matthæus XVIII. 15. seq. Vide Auctorem operis *De Deux puissances* Chap. 5. t. 3. p. 154. & seq., in primis autem vide CL. Mamachiūm Ep. 1. ad Auctorem operis inscripti. *Quid est Papa n. XV. p. 60. seq. ed. an. 1787.*

§. VIII. Potestas in hæc à Christo Ecclesiæ data nominatim est, quoniam eam non nisi à Christo acceptam Ecclesia habere potuisset. De reliqua potestate, quæ ad Ecclesiam pertinet eo jure, quod ipsi cum ceteris Rebuspublicis commune est, nullas Christus leges separatim dedit, neque profecto eas dare necesse erat. Nam cum Ecclesia tamquam propria, & distincta respublica ab eo instituta fuisset, cum ejus reipublicæ status, & gubernatio constituta, cum ei dati magistratus, atque inter eos unus, qui omnibus dignitate, & jurisdictione præcesset, consequens erat, ut haberet omnem potestatem, quæ reipublicæ propria est, neque Christus inter homines versabatur, ut re-rumpublicarum imperium, & jura constitueret, sed ut sanciret leges, quæ ad Religionem pertinent, atque ad æternam felicitatem eorum, qui hac respublica continentur.

§. IX. Ea de causa declaravit, *regnum suum non esse de hoc mundo* (1), & ortam controversiam super familia erciscunda judicare noluit, quoniam ejus rei judex à nemine constitutus fuerat (2). Non hæc certe dixit, quod in hunc etiam mundum non haberet potestatem, aut quod ab hominibus judex constitui deberet, qui omnium dominus erat, quique à Patre *omne iudicium acceperat* (3); sed ut demonstraret, maxime se esse sollicitum de rebus Religionis, deque æterna hominum felicitate (4). Verum post Christi mortem Apostoli utramque potestatem exercuerunt, & quam à Christo nominatim acceperant in res sacras, atque divinas, & quam habebant tamquam magistratus Christianæ reipublicæ cum imperio præpositi (5).

(1) Joannes XVIII. 36. Locum hunc expendens Augustinus *Tract. 115. in Joan. n. 2. opp. tom. 3. col. 792. ed. Venet. 1729.* rectissime, verissimeque animadvertisit, Christum non dixisse regnum suum non esse in hoc mundo, sed dixisse

solum, non esse de hoc mundo, quibus verbis significare voluit, regnum suum non ab humanis causis, atque ab hominum electione, sed aliunde, hoc est ab ipso Patre originem habuisse. “Hic non ait, *inquit*, *ipse Augustinus*, regnum meum non est in hoc mundo, sed non est de hoc mundo. Non ait, nunc regnum meum non est hic; sed nunc regnum meum non est hinc.” Confer Cl. Mamachium *del Diritto libero della Chiesa l. 1. cap. 1. numer. 8. p. 64. seq. tom. 1. & l. 2. §. 3. pag. 93. seq. tom. 2. par. 1.*

(2) Lucas XII. 24. Vide eundem Mamachium *loc. cit. l. 1. c. 1. §. 3. p. 37. & seq. t. 1.*

(3) Joannes V. 22. 27.

(4) Aptissime S. Thomas 3. p. qu. 59. art. 4. *ad 1. Christus*, *inquit*, “quamvis esset Rex constitutus a Deo, non tamen in terris vivens terrenum regnum administrare voluit. Similiter etiam judicariam potestatem exercere noluit super res temporales, qui venerat homines ad divina transferre. Unde Ambrosius... nec judeo dignatur esse litium, & arbiter facultatum &c.”

(5) Obedite, *inquit* Paulus *ad Hebreos XIII. v. 17.*, *Præpositis vestris, & subiacete eis.* Apostoli autem constituerunt legem, quæ divina certe non erat, de sanguine, & suffocato. Id vero non fecissent, nisi à Christo potestatem accepissent. Hinc Paulus *Act. XV. v. 41.* *Perambulabat Syriam, et Ciliciam... præcipiens custodire præcepta Apostolorum, et Seniorum.* Negat quidem Witacherus, hoc in græcis codicibus extare; sed in vetus-to Codice Alexandrino reperiri eruditus Milius Anglus *in hoc cap., et v. Act. Apostol.* confitetur. Fæc tamen non extare; quid tum? Lucas *cap. XVI. v. 4.* dicit hæc: “cum autem pertransirent civitates, tradebant eis custodire dogmata, quæ erant decreta ab Apostolis, & Senioribus, qui erant Hierosolymis.

§. X. Itaque non tantum de rebus, quæ ad Religionem, & Ecclesiæ gubernationem pertinerent, tum voce, tum scripto præcepta constituerunt, quorum quidem sacri libri pleni sunt; sed etiam legibus repugnantes, statumque reipublicæ pervertentes poenis compresserunt. In primis Paulus, cuius plura, quam alias cuiusquam Apostolorum, scripta extant, *virgam minatur Corinthiis* (1); profitetur, habere se in promptu ulcisci omnem inobedientiam ex potestate quam dedit, ait, *nobis Dominus* (2), ac ne eos denunciatione potestatis frustra per epistolas terrere videretur, quales sumus, *inquit*, *verbo, tales & præsentes in facto.*

(1) *I. ad Corint. IV. 21.* Adi-sis Mamachium lib. II. del *Diritto libero della Chiesa cap. I. §. III. p. 131. seq. Tom. 2. Part. II.*

(2) *II. ad Corint. X. 6. seq.*

§. XI. Thessalonicensibus quoque imperat, ut sibi obedient, & si quis non paruerit, eum à Christianorum societate exterminandum jubet: *Si quis, inquit, non obedit verbo nostro per epistolam, hunc notate, & ne commisceamini cum illo* (1). Quam eamdem poenam pluribus quoque criminibus constituit (2); & eadem etiam coercuit tum Hymenæum, & Alexandrum in fide naufragos (3), tum Corinthium incestus in novercam reum (4). Quin ne sola severitate jus sacræ potestatis exercere videretur, eudem Corinthium postea resipiscentem Ecclesiæ communioni restituit (5).

(1) *Apostolus II. ad Thessaloniken. III. 14.*

(2) *I. ad Corint. V.*

(3) *I. ad Timot. I. 20. et II. ad Timot. IV. 15.*

(4) *I. ad Corint. V. 1. seq.*

(5) *II. ad Corint. II. 6. seq.*

§. XII. Qui tantam in Ecclesiæ subditos habet potestatem, ut eos omnino ad parendum cogat, poenis coerceat, in corum crimina animadvertat, an non etiam tribunal habere poterit, in quo eorum controversias judicet? Certe Paulus (1) vehementer objurgat Corinthios, quod extra Christianam rem publicam judices quærent, qui eorum sacerdotalia negotia cognoscerent & abjectum quemque hominem è Christianis aptiorem ad judicandum dicit, quam potentiores quemlibet, qui Christianus non sit. Tum nescitis, inquit, quoniam *Angeles judicabimus: quanto magis sacerdotalia?* Ipse Paulus (2) Timotheum docet judicii methodum, quam Episcopum contra Presbyterum servare oportet.

(1) *Apostolus I. ad Corint. VI. v. 1. et seq.*, quem locum ita interpretatur Jo. Chrysostomus *Homo* 16. in *I. Ep. ad Corinth. n. 2. p. 136. t. 10. opp. ed. Montfaucon. Paris.* “Volens, nos docere quocunque tandem fuerit, non oportere nos exter-

,nis committere, cum objectionem, vel quæ talis esse videbatur, movisset, prius illam solvit. Hoc enim vult significare. Fortasse dicet quispiam, nullum esse apud vos sapientem, neque ad judicium ferendum aptum, sed contemptibiles omnes. Et quid hoc? Etiam si nullus sit sapiens, inquit, vos minimis permittite. Hoc autem ad verecundiam vestram dico &c. “

(2) *I. ad Timoth. V. 10.* Confer Tertullianum *contr. Marcion.* I. 5. c. 12. p. 477. ed. Ven. 1744. Atque hæc quidem ab Apostolo proposita judicij contra Presbyterum agendi ratio tamquam firma, constansque regula in omnibus ecclesiasticis judiciis observanda semper agnita est, ut ostendunt Theodoretus *Histor. Eccles.* I. 1. c. 21. p. 47. ed. Taurin. 1748., & Acta Cleri Gallicani *De la Jurisd. Ecclesiast. par. 2. p. 30. seqq. t. 6. ed. Paris. 1716.*

§. XIII. Vita functis Apostolis, eorum Successores suam semper exercuerunt potestatem non solum in interiori, sed etiam in exteriori foro (1); habueruntque judicia non tantum de rebus fidei, morumque regulis (2), sed etiam de controversiis, quæ inter Christianos oriebantur. Id vero factum est non modo cum Christiani, sed etiam cum ethnici imperio potirentur. Hoc enim temporis intervallo semper Ecclesiæ Magistratus, hoc est Episcopi, ea curarunt, quæ ad Religionem pertinent, atque etiam poenis coercuerunt crimina Christianorum, præsertim poena excommunicationis, qua nulla gravior est, & quam servato ordine judicatio inflixerunt (3).

(1) Joannes Morinus *de Administr. sacram. peniten.* I. 1. c. 26. n. 18. et 19. et I. 6. c. 25. n. 12. demonstrare conatur, per plura sæcula in Ecclesia censuras à publica poenitentia distinctas non fuisse, recentiori autem disciplina inductum fuisse, ut censoræ sint actus judiciales in foro contentioso, qui ex jurisdictione procedunt, atque has à publicis poenitentiis distingui, & tanquam judiciales actus haberi coepisse, cum forum exterius ab interiori distinctum est. Verum falsa prorsus hæc sententia est, & veteri Ecclesiæ disciplinæ adversatur. Certissimum enim est, semper ab Ecclesia censuram fuisse distinctam à publica poenitentia, atque habitam tanquam sententiam, qua servata judicij methodo reus criminis condemnabatur, ita ut prorsus à Christianorum societate repelleretur, & cum eo reliqui fideles nullam societatem, rerumque communicationem haberent. At vero publica poenitentia non ita gravem afferebat poenam, atque, ut plurimum, erat sig-

num reconciliationis, quohiam s^epe imponebatur iis, quibus dabant Ecclesia pacem, posteaquam ipsos ab s^ell omni^o rejecerat. Qui publicæ penitentia subjectus fuerat, semper ecclesiastica communioni restituebatur, eaque imponebatur poena, ut post emenda legitima penitentia spatia restitueretur; sed alia erat censurum ratio. Similiter exploratum est, Ecclesiam semper habuisse forum exteri^o ab interiori, & penitentiali distinctum, neque aliquis ignorare potest, eam semper contra reos criminum accusationes, & denunciations accepisse, audivisse testes, cuncta expendisse, ac denique sententiam in reum protulisse. Certe ad interiorius forum non spectat Paulus I. ad Timoth. V. 19., eum vetat Episcopum adversus Presbyterum accusationem recipere, nisi sub duobus, aut tribus testibus. Canon autem Apostolorum 66. & 67. apud Cotelerium PP. Apostolic. t. 1. p. 451. ed. Amstelæd. 1724., itemque Concilium Antiochenum sub Julio I. can. 5., & Carthaginense I. can. 10. apud Labbæum t. 2. col. 590. et 1247. ed. Ven. ut mittam cetera monumenta, quorum magnus est numerus, solemnis judicij formam, quæ in exteriori foro adhibetur, disertissime proponunt. Videndi quoque sunt Balsamon, & Zonaras in can. 37. Apostolor. apud Beveregium tom. 1. p. 25., a quibus multa de ecclesiasticis judicis afferuntur. Quin etiam certus erat judicij exercendi dies, nimirum feria secunda, ut tradit Auctor constit. Apostolic. l. 2. c. 47. apud Cotelerium t. 1. p. 257. ed. cit. Consule Jo. Antonium Bianchi della Potesta, e della polizia della Chiesa l. 1. c. 5. §. 2. n. 11. t. 3. seq. p. 443. seq., & Mamachium lib. II. del Diritto libero della Chiesa Tom. 2. Part. 1. p. 131. seq.

(2) Confer Doujatum Prænot. canon. l. 2. c. 2.

(3) Cyprianus Epist. ad Cornelium apud Labbæum t. 1. col. 716. ed. Ven. "Nam cum statutum sit, inquit, omnibus nobis, & æquum sit pariter, ac justum, ut uniuscujusque causa illic, audiatur, ubi est crimen admissum... oportet utique eos, qui, bus præsumus, non circumcursare, nec Episcoporum concordiam coharentem sua subdola, & fallaci temeritate collidere, sed agere illic causam suam, ubi & accusatores habere, & testes sui criminis possunt." Habet hic accusatores, testes, sententiam; quid aliud ad verum judicium, forumque constituentum requiritur? Ipse Cyprianus l. c. narrat solemne judicium acutum adversus Privatum, & adversus Jovinum, ac Maximum, qui omnes re primum diligenter quæsita, & cognita plurium Episcoporum sententia damnati sunt. Huc etiam referendus est Tertullianus, qui in Apologet. c. 39. p. 31. ed. Paris. 1675. "Cōim̄us, inquit, in coetum, & congregationem... Ibidem etiam exhortationes, castigationes, & censura divina." Nam & iudicatur magno cum pondere, ut apud certos de Dei conspectu,

, summumque futuri judicij præjudicium est, si quis ita deliquerit, ut a communicatione orationis, & conventus, & omnis sancti commercii relegateur. Quibus ex verbis intelligitur, censuram ecclesiasticam, ac præsertim excommunicationem, de qua Tertullianus loquitur, fuisse actum judiciale, eamque ab Ecclesia, re primum cognita, & expensa diligenter, ferri consuevit. Quid dicam de Concilio Eliberitano, quod habitum est anno 305.? In eo duo sunt canones, nimurum Can. 74. & 75., in quibus agitur de accusationibus, quæ contra clericos proponuntur, gravesque contra calumniatores indicuntur poena, ac ea de re tota agi dicitur in conventu clericorum. Duo hi canones sine dubio pertinent ad judicia ecclesiastica, ut rectissime observat Albaspinæus in Not. opp. p. 185. ed. Neapol. 1770.

§. XIV. Temporales quoque causas Christianorum, ethnicis dominantibus, ab Ecclesiæ magistratibus judicatas fuisse, vel ex eo intelligitur, quod per tria sæcula aliquæ certe inter illam hominum multitudinem existere debuerunt controversiae, quæ ne defuerunt quidem initio Ecclesiæ, ac vivis Apostolis, & tamen nullus unquam Christianus eas detulit ad ethnicos magistratus. Manebat enim alta mente repostum præscriptum Pauli, quod Christianos coram ethnicis magistratibus litigare vetabat, & ideo qui Christianæ reipublicæ cum imperio præerant, hanc etiam sui imperii, & officii partem in suum cuique reddendo explicabant (1).

(1) Secundum Apostoli præceptum Auctor Constit. Apostolic. l. 2. c. 45. apud Cotelerium PP. Apostolic. t. 1. p. 256. ed. Amstelædam. vetat, ne quis adeat ad judicium gentilium, imo ne patiamini, ait, ut sacerulares magistratus de causis vestris judicent. Et c. 46. pag. ead. ne igitur, inquit, disceptationes vestras gentiles cognoscant. Concilio Hipponeensi anni 398. can. 87. t. 2. col. 1444. collect. Labbæi, ed. Ven. item statuit, quod "catholicus, qui causam suam sive justam, sive injustam, ad judicium alterius fidei judicis provocat, excommunicetur." Hinc S. Augustinus in Psalm. 218. Serm. 24. opp. t. 4. col. 1340. & de Oper. monac. c. 29. n. 37. col. 499. t. 6. ed. Maurin. Ven. 1730. ex Apostoli præcepto repeit judicandi munus, quo ipse tanquam Episcopus fungebatur. Uterque hic Augustini locus dignus est, qui sedulo expendatur, ut pateat, Ecclesiæ judicia, vera fuisse judicia, & veros item judices fuisse Episcopos, non